



EM 2016/39
Michael Rosing
19 November

Nunatsinni tunngaviusumik inatsiseqalernissaanik siunnersuusiortussamik isumalioqatigiissitamik pilersitsinissaq Inatsisartut Naalakkersuisunut piginnaatitsissummik tunniussinisaat siunertaralugu Inatsisartunut aalajangiiffigisassatut siunnersuut.
(Namminersornermut, Pinngortitamut, Avatangiisinut Nunaateqarnermullu Naalakkersuisoq)

Demokraatit assut paasiuminaatsippaat sooq taama tuaviortigisumik nunatsinni tunngaviusumik inatsiseqalernissaanik isumalioqatigiissitamik pilersitsisoqarniarnersoq. Namminiilivissalluta aalajangerutta isumalioqatigiissitamik pilersitsiumaarpugut. Tamannami ukiorpassuarni tulliuuttuni pinaviangilaq.

Ullumikkut nunatta aningaasaqarnerata annersaa Danmarkimiit pisartakkatsinnik bloktilskudunik aallaaveqarpoq. Tassa Aningaasaqarnikkut Inatsimmi isertitat affai sinnilaarlugit. Aningaasaqarnermullu Inatsimmi missingiut ukioq manna kipiluttunartumik nammaqatigeeqqatarniarpoq, tassanilu raajat akigissaarnerinnaatigut pissaaq. Naalakkersuisut saqqummiussaat kingulliit akuerineqassappata ukiut sisamat tulliuuttut 145 million koruuninik amigartoortoqarniarpoq.

Silassorissuserlu takutitsivoq namminiilivinnissaq suli ukiorpassuarni piviusunngorsinnaanngitsoq. Tamanna takuneqarsinnaagaluartoq Naalakkersuisut tuaviortumik sammisaaq una ataatsimiinnerit matunngilaataani saqqummiuppaat. Unneqqarissagaanni isumalluarnanngilaq, eqqarsaatigilluagaanngilaq imaluunniit nunatta inatsisilerinikkut ataatsimiinnerannut ataqqinninnginneruvoq.

Takorloorsiuk ullumikkut namminersulivinnissatsinnut aningaasatigut akissaqalersimasugut. Eqqarsaatigeeqqeqaarnagu isumalioqatigiissitaq 1980-mili allanneqarsimasoq akuerissagaluarparput? Taamak isikkoqarsinnaasumik maannakkut iliornialerpugut.

Uagut isumaqarpugut aningaasat nukiillu pitsaanagerusumut atorneqarsinnaagaluartut, kiffaanngissuseq maakkut pigisarput suliarinerasigut. Isumaqarpugut inuiannut uukapaasiarinninnerusoq oqariartuutiginiaraanni isumalioqatigiissitaq inuunerinnerulernissamat nunatullu nukittuutut misigilersitsinissamat aqqtissiuussissasoq. Nukiit pigisagut atoriartigit namminersornerulerneq ullumikkut pigisatta nunat tamalaanut takutissallugu, nunaqavissut kisimiinngikkaluarluni nunaminni aqutsinissaminnut piareersimasut, ullumikkut suli nunarsuarmioqatigiinni kisimiissalluni ajornarsiartortumi.

Arlaata nalornissutigisimaguniuk siunnersuut itigartinneqarnissaa inassutigaarput.